



Birger Olsson 1912 - 1998

Boðskapur sunnudaginn 6. nóvember 1955, sem Birger Olsson bar fram í Fíladelfíu í Reykjavík.

Ó lýður minn, segir Drottinn. Ég hef rannsakað hversdagsleika ykkar og ég hef séð þig, þar sem þú hefur gengið veg þinn áfram og ég hef einnig séð hvað augu þín eru bundin við.

Ó brúður mín, segir Drottinn, sem ég hef keypt með eigin dýrmætu blóði mínu. Hvers vegna ætlar þú að láta heiminn táldraga þig? Hvers vegna eru augu þín svo haldin? Ég tek eftir þeim svefni, sem hefur lagst á þig. Ó brúður mín, ó brúður mín! Heyrir þú ekki, hvernig Andinn vill leiða þig frá þessu, sem hefur hertekið þig, frá þessu sem bindur þig og hann vill leiða þig frá þessum frjósömu ekrum. En ég vil gefa þér auðæfi mín.

Sjá segir Drottinn, sá dagur er ekki fjarri, þegar neyð þrengir einnig yfir þetta land. Hvað ætlar þú þá að gera við það, sem þú hefur safnað saman? Og hvar ætlar þú að fela þig fyrir refsidómunum? Sjá segir Drottinn, ég verð að segja við þig brúður mín, að einnig þessi staður, þessi borg mun fá að finna hinn síðasta dóm, þegar mikið af þessari borg verður jafnað við jörðu.

Ó brúður mín, ég vil láta þig vera auðuga í Anda mínum og ég vil leysa þig, svo þú getir bjargað sálum. Ó lýður minn, segir Drottinn, áður en þessi neyð skellur yfir, vil ég í náð vitja þessa lands. En hvar eru þeir sem vilja fara af stað? Hvar eru þeir sem vilja hlýða í nafni mínu? Hvar ert þú, sem í bæn vilt gráta neyð þína út. Ó þeir eru svo margir, segir Drottinn, sem á þessum dögum kvíða fyrir áhrifum illra anda (eða: kvíða vegna áhrifa illra anda). En ég vil leysa þá og ég vil láta söfnuð minn vera í slíkum anda og slíkum krafti svo þeir geti þjónað mér.

Og þetta skal þrengja sér yfir byggðir landsins. Ég sé eld, segir Drottinn, sem brennur með krafti í dag, þar sem hann fær að brenna. En ég vil ganga fram á kröftugri hátt. Því sjá, ég vil bjarga mörgum, áður en ég kem. — Og til þess að þið skiljið, að það er ég Drottinn, sem talar, þá skal ég byrja á því að frelsa bænaefnin ykkar. Ég mun frelsa bænaörnin, segir Drottinn. Og þið skuluð skilja það að ég er Drottinn, sem á þessum dögum vil framkvæma mitt verk.

En þegar þessi neyð skellur yfir, þá mun ég taka brúðaskara minn frá Jörðinni.

Sæll ert þú sem bíður í trúmennsku og þjónustu, segir brúðgumi þinn, Jesús Kristur.
Amen!